

人輕肆刑殺雖云用鐵實慮傷和故首文
 之意有不畏死者當閉之以善教之以道
 豈得以死而懼之乎尚書曰與其教不辜
 寧失不經好生之德洽于民心是也
 道德真經廣聖義卷之四十七

道德真經廣聖義卷之四十八

行主

唐廣成先生杜光庭述

民之饑章第七十五
民之饑章第七十五 謂前章明有為
 教之弊初三改述明所以為弊夫有
 下歸歎今其責生○義曰致理者何
 道德為本什道則無為澄靜用德則
 有和和者一善而不為情十家而
 為念以儉以約俗人身重奈何家而
 無餘欲求其也身力耕而腹歎大勤
 於此大何痛我惟能不厚其生各全
 其分大和不長起曰責生示以亦得
 而存焉爾

民之饑以其上食稅之多是以致饑

注天下之所以饑之不足以其君上食用

賦稅之太多故爾

疏夫人國之本也若政煩賦重而人貧乏
 則國本斯弊弊則危矣是以下人不足由
 君上食用賦稅之太多是以令其饑乏爾
行十一
 義曰立法垂憲古有明文食也充君之庖
 稅也輸國之賦什一之稅務在其輕賦重
 則人貧賦輕則人足人足則國泰人貧則
 國危理在酌中法無太酷所以鑄刑書而
 物怨作兵賦而邦貧齊侯以重斂致亡田

氏以厚施成霸故然在目居之鑒焉

民之難治以其上之有為是以難治

注天下之人所以難化者以其君上之有

為有為則多難多難則詐與是以難理

疏蓋爾蒼生資君以理為理之本諒在無

為故我無為而人自化今人所以難理者

由君上之有為有為則政煩而人擾動生

大偽是以難理

義曰君之理人本乎清靜不作無益之事

不興無用之功不矜威武之能不尚淫奢

之巧無為自化恬澹居先則詐偽不生禍

亂不作法作而人去之殺人作誓而民始

叛周人作盟而人始疑今其外施威武有

執運之勞內事淫奢有誅求之苦上有玉

食繁華之賦下有糟糠不足之悲網密令

許求理難矣

人之輕死以其求生之厚是以輕死

注天下之人所以輕死者以其違分求生

太厚之故是以輕死

疏人之所以輕入死地喪其生者皆以其

違分求生養生太厚不顧刑網以徇所求是以輕死

義曰皇天育人生有定分降年有永有不求必在養之得所以自然但虛心則道臻室欲則心守泰定然後發乎天光則不求其永自延永矣若厚於奉養力以求生或餌金石以毒其中或因鼓怒而傷其氣

但管難得之貨或求過分之能本欲希生反之於死是生生之厚也所以栖鳥於火林之上未念其寒養魚於沸鼎之中本哀其冷養之失理及以傷生世愚之情斯可哀矣聖人欲去其厚而適其分則道可得矣

夫唯無以生為者是賢於貴生
注自然之分足則生全若過養其分分過則生亡故夫唯無以厚其生為者是賢於矜貴其生也

疏夫生也有隆安分則足既不可違亦不可加若營生於至富之外則惑矣故不厚其生而求生全求厚其生而生喪故知夫無

以生為憂者是賢勝於矜貴其生之人
義曰累生有分賦命有常守其分則可以永全夫其常必之死地是以聖人垂戒不欲厚以求生賢士知微自可任於天授此所以成人君違分則國傷人弊守文則物泰時順道循常斯為當矣可謂賢於貴生明於用道也

民之生章第七十六
疏前章明身命為之弊此章明有為則心欲使身和氣之柔初標生死之二使決樂事本之兩喻結以強大處下成全必守和柔○義曰前以賢於貴生不為過分
之養此乃貴於用神可以保其和柔明堅強不可以執持讓下所宜於從守其強必為國害木槁由其氣柔動守神和成為強大示以張弓之喻發明舉下抑高此其旨也

人之生也柔弱其死也堅強
疏人之生也和氣流行百骸以之柔弱人之死也和氣流散四支以之堅強言此者示柔弱堅強為生死之戒
義曰人稟沖氣百骸以之和柔百神衛於百關六氣行於六府所貴者存神養氣體道懷柔者生品於南宮削死名於北府廷

生人視其在吾子如其神魄潛飛沖和稍散遽同草木委化泥沙失彼至柔斯為痛矣

萬物草木生也柔脆其死也枯槁

疏此舉喻也萬物草木氣聚而生故枯葉敷榮而柔脆氣竭而死則條幹變表而枯槁前明有識此舉無情無情者以氣聚散為榮枯有識者以道存亡為生死

義曰萬物與人同資於道道以運氣氣以致和雖有識無情肖形各異生之與死稟受不殊而道在則能生道去則為死故經冬之草覆之可以延期天脫之年修之何妨降永所安服動於鍊餌宜甘委於幽泉達道強梁可為之戒
故堅強者死之徒柔弱者生之徒

注生之柔弱和氣全也死之堅強和氣散也欲明守柔弱者全生保年為強梁者亡身失性
疏此結前義也言草木生則柔脆死則堅強知人為堅強之行者是入死之徒為柔

弱之行者是出生之類

義曰聖人念彼強梁重為戒訓舉草木生死之喻為人倫強弱之規強梁為人死之階所宜投革柔弱為出生之要必務堅持無曠精修自投死地

是以兵強則不勝

注見衰者勝故知恃強者必敗

疏此下轉結前義也用兵有言以慈為主故云恃強則敗欲明人恃強則死矣

義曰夫與師問罪薄伐御戎先之以三令

五申教之以六設金版既定前備後伍仍資地利人和蓋不獲已而行豈欲矜於勦

戰符堅百萬秦緣三喙走馬不迴隻輪莫返此兵強侮敵敗也宜乎

木強則共

注木本強大故處於下枝條柔弱共生於上蓋取其柔弱者在強梁者在下也

疏木本強大故處於下枝條柔弱共生於上蓋取其柔弱者在強梁者在下也

義曰木以本大居下固其宜然末大於本

固非其稱諺曰尾大不掉國之所戒趙氏以之傾晉田氏以之易齊子之致疑於燕太叔見敗於鄭豈非末大於本臣強於君守理非順也合手曰拱昔秦殺生於殷朝七日大拱秦伯怒於蹇叔墓木拱與皆木

大合拱之謂也

強大處下柔弱處上

疏結上文木根本強大則枝葉共生其上之義欲明強梁之人常在柔弱之下矣

義曰人以謙讓能制猛毅之夫枝惟纖柔

遂居大本之上所宜克崇謙靜深戒剛強

吞七國之贏秦竟亡七國統千夫之盜跖終喪形軀然後止水瑩心清恬養性處不爭之地居自得之鄉者景乘風斯可得矣

天之道章第七十七

氣之柔此章明強梁必相損故舉天

下舉聖德以結勸誨○義曰共木垂

以成靜為基不尚高強為勝終

天之道其猶張弓乎

注天道玄遠非喻不明故舉張弓以彰其用

疏此法喻變舉也夫天道玄遠非喻不明故舉張弓以昭天德張弓之法其如下文義曰夫蒼是在上層覆

虛無之氣指喻斯見可明高下之規蓋以人道乖真誠不足而為事天道惟正損有餘而表均所以舉下抑高類彼邊強撫弱不居不恃晦智韜寶法喻雙標此其首矣

天道遠人道邇者子產語標電欲權火之詞也且天道雖遠而層象可觀將戒於人

舉天道以為喻蓋欲世人違仰上玄稽考天意稟而為戒理在必行爾

高者抑之下者舉之有餘者損之不足者與

注張弓如此乃能命中是猶天道虧盈益謙欲令人君法天守人故示舉下抑高之道

疏夫弓之為用當合材定體弛張調利高者抑之下者舉之者為架箭之時準的也

之

有餘者損之不足者與之為發矢之時遠近也如此則能命中矣天道亦然日月寒暑一往一來來者損其有餘往者與其不足則成歲功矣人君者當法於天道抑強扶弱損有利無故舉虧益益謙欲令稱物平施爾

義曰天道玄微也而陰陽自運清濁岐分寒暑晦明靡差於毫度緯候躔次無爽於洪纖大則橐籥萬殊牢籠海嶽細則推遷黍累通貫毫釐誠哉信哉不素不惑其比喻也以天道惡盈滿張弓之抑高人道好謙和若張弓之舉下欲使人挫減高亢執守謙卑爾夫為弓者必品乎木性審以駢文合輕重之宜無偏邪之失然後負金鏃矢伸膠拂弦中則主皮射無虛發所謂舉下抑高為準也天道君德上下相應故當法天之用如弓之法焉人君所以振滯燭幽興滅繼絕者舉下也曷強禁暴挫銳摧兇者抑高也如此則賞刑允當名器不愆下無偏黨之非上叶太平之化矣周禮弓

人為弓聚輪角筋膠漆六材以其時六材既聚巧者和之相輪欲赤黑而陽聲射遠者用勢射深者用直相角欲青白而豐末凡角秋殺者厚春殺者薄犇牛之角直而澤老牛之角彌而錯三色既具戴者為

良則可以冬折輪夏理筋春液角秋合絲膠漆寒定體則張之不流材美工巧為之以時謂之三均均三謂之九和上制六尺六寸中制六尺三寸下制六尺於是控引有往來之體遲速有安危之名故有危弓安夫安弓危夫馬剝輪燕角材之美也和弓垂夫古之寶也天之法凡矢人為矢兵矢田矢二前三後三分其長而殺其一五分其長而羽其一水之以辨陰陽突陰陽以設其比夾其比以設其羽三分其羽以設其刀夾而搖之視其豐殺之節撓之視其鴻殺之稱第夫三分一前二後殺矢七分三前四後前弱則勉後弱則翔中弱則紆中強則揚羽豐則遲殺則趨等欲生而搏材美工巧雖疾風亦不之憚矣弓矢之

製選材俟時因工施巧乃能命中況於人乎虧盈益謙者易謙卦云天道虧盈而益謙謂減損盈滿增益謙退亦知日月虧是抑高舉下之義也又稱物平施亦謙卦之詞言物之先多者而得其施物之先者亦得其施多之與少皆得其益亦云多者用謙以衰之少者因謙以益之謙之施與皆不失平也

天之道損有餘補不足人之道則不然損不足以奉有餘注天道平施衰多益寡人則違天翻損不足也
疏此明人道不能同天損益注云衰多益寡者易謙卦之詞也
義曰天道均平有餘必損不足必與人道反此減不足而奉有餘所以富室歛其珍鮮貧者歛其藜藿則違於道夫衰多益寡者易謙卦之象地中有山謙君子裒多益寡裒聚也寡少也益與也多者得謙物更裒聚彌益其多寡者用謙物更進益是謂

均平之道亦云哀取也減取多者益於寡者乃合舉下抑高虧盈益謙之義理國和氏之要修身合道之規此其特也

孰能以有餘奉天下惟有道者

注誰能以已之有餘以奉天下之不足者

乎獨有道者能也

孰執誰也老君疾時不能同天道下濟以

邛於人先大其德故舉天道以勸云誰能

同天之道損其有餘以明奉不足者乎惟

有道之君乃能然爾

義曰邛賑救也損抑減也彌贖也天道下

濟者易謙卦彖詞也世人所行反於天道

減其不足奉彼有餘豈獨害人既乃違道

誅歛無已陳餘莫哀老君洪發聖言懲其

無告曰孰能減已有餘邛人不足順天育

物者惟有道之君乎

是以聖人為而不恃

注聖人法天稱物均施施平於物而不恃

其功

疏此引聖人以證上有道之義恃猶矜恃

也聖人法天平施德被於物不見其功故云不恃

義曰聖人圓通智慧因物為心猶天地之

發生不言其德類陽和之煦燠不恃其恩

雖不恃不處而其道愈廣矣稱物平施已

見上解也

功成不處

注推功於物不恃其成者賢能也

疏聖人知功成而處天必損之故雖道洽

寰區功濟天下歸美名於群材而不處其

功勳爾

義曰舉聖人之德況有道之君皆以法道

為順天平施澤及物而不恃功配天而不

居道德巍巍與天並矣

其不欲見賢

注聖人所以推功不處者不欲令物見其

賢能也

疏此結釋不恃不處之意也其不欲見賢

者聖人雖盛德內充而嘉聲外隱所以不

恃為不處功者正欲隱德晦名不欲令物

見其賢能爾此亦損有餘之意也

義曰大聖之德實合玄功而內照應微外

混於物益恐德彰則慈愛立慈著則功用

存將欲隱功行於已成潛德化於不宰符

舉下抑高之首弊正言若反之文也

道德真經廣聖義卷之四十八